

# Bolaodi ba Meedi ba SARS bo na le bokgoni ba ho tsamaisa tse kenang le ho tswa ka madiboho

**Tshwane, 23 Loetse 2021** – Ditshebetso tsa Lekgetho tsa Afrika Borwa (SARS), ka lekala la tsona la Bolaodi ba Meedi, di utlwisisa mathata a tiehiso ao bakgathatema ba fetisang dithoto ba kopanang le ona mane ledibohong la Beit Bridge.

Bolaodi ba Meedi ba SARS bo lakatsa ho kokobetsa matswalo a balefalekgetho, bahwebi le bakgathatema bohle hore ditshebetso tsa Bolaodi ba Meedi di ntlafaditswe ho ba tsa sekwalelwane dilemong tse na le hore ho sebediswe mekgwatshebetso ya elektronike ho laola phallo ya dithoto le baeti ka makeno ana a naha.

E nngwe ya diphihlelo tse kgolo tsa mekgwatshebetso ona wa sekwalelwane wa elektronike o mane Beit Bridge ke tsela eo dintho di sebetswang ka potlako ka teng mme sena se fokotsa nako eo diteraka di e nkang ho feta ka lediboho, sena se baka hore ho se be le mela e melelele ka lehlakoreng la Afrika Borwa.

Ho feta moo, Bolaodi ba Meedi ba SARS ha bo na taolo hodima tshubuhlellano e etsahalang mane tseleng ya N1 e lebang Beit Bridge nakong eo ho nang le ditiehiso tse seng tlasa taolo ya SARS.

SARS e ntse e le maphathaphathe ka ho tliša dintlafatso tsa mekgwatshebetso wa sekwalelwane wa ditsebahatso le metjha ya elektronike ka projeke e kgonang ho tseba dinomoro polata tsa dipalangwang jwalo ka mekgahlelo wa pele wa madiboho a sebetsang ka tsela e bohlale (SMART borders).

Projeke ena e tla phethahatswa haufinyane makenong a mang a naha mme sena se tla boela se tswela bana ba fetisang dithoto molemo ka ho fetisa dithoto ka tsela e potlakileng.

Beit Bridge ke lediboho le maphathaphathe haholo mona Afrika Borwa mme le butswa bosiu le motshehare. Websaete ya SARS e na le dintlha tse ngata mabapi le madiboho ohle a naha mmoho le ditshebetso tsa ona. Etela [www.sars.gov.za](http://www.sars.gov.za)

SARS e bile e ngongorehiswa ke tshubuhlellano e mane ledibohong la Lebombo. Re batla ho tsebisa bsebedisi bohle ba madiboho hore se bakang tshubuhlellano ena ke diphetoho tsa Bolaodi ba Meedi tse ntseng di phethahatswa, le ha sena se se ka lehlakoreng la Afrika Borwa. SARS e tla tswela pele ho sebetsa ka thata mmoho le balekane ba rona ho bebofatsa motsamao wa baeti le dithoto ho phatlalla le madiboho a rona.

Ho fumana lesedi le fetang lena, ka kopo ikopanye le [SARSMedia@sars.gov.za](mailto:SARSMedia@sars.gov.za)